


Otmar Oduber a muestra cu faltando 3 luna mas pa ta demisionario...

Gobierno ta sigui cu nombramentonan politico na gran escala

ORANJESTAD (AAN): Miembro di partido AVP, Otmar Oduber a duna di conoce cu ya manera ta conoci, aki 6 luna pueblo ta bay urnanan electoral y a denuncia den forma categorico e forma con ta haciendo politica den aparato di gobierno, caminda nombracionnan politico ta tumando lugar na gran escala.

No solamente por a mira diferente rapport cu a worde tresi pa dilanti, caminda cu a bay asina leu di prohibi un instancia, manera CAD pa haci un investigacion riba e cantidad di hende cu ta worde tuma na e momentonan aki pa gobierno, cual segun ultimo cifranan ta casi 1.500 hende.

Siguiendo riba e topico aki, Oduber a bisa cu specialmente den e ultimo lunanan, si mira loke a bin ta tumando lugar, contra tur clase di ley di comptabilidad, esta un serie di nombracionnan manera e.o. Departamento di Cuerpo Especial Arubano, den DINA, Migracion. Pero loke ta mas condenabel ta cu cada un di e coordinadornan di e gobierno aki ta hayando nombracionnan pa drenta e aparato di gobierno na un forma permanente. Esaki kiermen cu tur e personanan cu a drenta cu e ministernan como sifuera cu nan a bay cu e minister na final, na e momentonan aki un pa un na huercommissie (di Minister Briesen y Minister Lopez-Tromp), DOPV, y



esun mas recien ta e nombracion di e man drechi di Minister Rudy Croes cu a worde nombra hefe di departamento di CBJAZ.

Segun Otmar Oduber, e nombracionnan aki por ta positivo, pasobra e ta un señal cu e hendenan aki no lo bolbe back y pesey ta purbando di haci e 'salto mortal' aki, nombrando e hendenan aki den un posicion permanente, pero e realidad ta cu e ta pone un peso extra riba pais Aruba, cu ya caba no ta cargabel mas, despues cu e gobierno aki a endeuda e pais pa mas di 700 milyon Florin.

Michell Franken riba lista di OLA!

ORANJESTAD(AAN)DIA RIO a cuminsa confirma e candidatonan cu ta bay aparece riba e lista di OLA den proximo eleccion. E matutino di Pueblo awor por confirma cu Michell Franken lo ta halto riba e lista di OLA, y ya a cuminsa organiza su campaña.

E popular lider sindical, Clemente Geerman, ya a confirma su apoyo incondicional na Michell, y lo bay den

campaña cune. Manera tur hende cu conoce politica na Aruba, sa, Clemente a yuda Marisol den ultimo eleccion, pero esaki a resulta un gran decepcion, no solamente pe, sino pa hopi hende cu tabata kere den Marisol.

Pronto DIARIO lo anuncia otro candidatonan cu lo acompaña Glenbert pa hunto cune logra pa Aruba, un Status Aparte Plus, y asina

conserva tur loke Betico y Pueblo en general a lucha pe.

Michell Franken ta e rumen menor di Villes Franken, kende a bira e motor tras di e partido OLA, y a tuma riba su mes e responsabilidad pa coordina e campaña cu no produci beneficiacion grandi pa e partido y pa Aruba. Villes ta comprometi completamente cu e logro di un Status Aparte Plus pa su isla.

Ta Fundacion Betico a invita asociacion Indio

mescos cu nan a haci cu mayoria asociacionnan di otro pais

ORANJESTAD (AAN)- Relaciona cu un articulo cu a sali Diahuebs 17 di Maart 2005 den DIARIO, nos a haya reaccion di Fundacion Betico Croes pa locual ta trata e asunto aki.

No ta asina cu Indian Association of Aruba a muestra color politico y partidista, sino ta cu

Fundacion Betico a invita tur nacionalidad na Aruba pa forma parti na nan evento multicultural cu a tuma lugar ayera dia 18 di Maart na cede di MEP.

Fundacion Betico a invita tanto personanan di Venezuela, Colombia, Peru, Argentina, Corsow etc. pa nan tambe duna nan aporte


na e celebracion aki y bin cu nan cumindanan pa asina ofrece na e pueblo di Aruba.

Esaki sigur no mester worde mira como un forma partidista di e asociacionnan aki ya cu dunando nan participacion na eventonan asina, bo ta duna honor tambe na e pais cu bo ta formando parti awor di dje.

CULTURA INSTANTANEO!!

MI PACHI TAWATA CONTAMI CU TEMPO
DI NAN TEMPO TUR HENDE TAWATA
CONOCE E NATA TOTOTI!!

AWENDIA TUR HENDE A
SIÑA CONOCE DOOR CU
NAN A CORTE!!



BEST DEAL

Tel: 5827100


(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

IWIN



DVD Home Theater

Afl: 225,=